

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126133](#)

337

DOMINICA IV. POST TRINITAT.

Evangelium Luc. 6. v. 36 -- 42.

EXORDIUM.

Cum Templum Hierosolymitanum aliquamdiu in manu hostium fuisset, cessante in illo vero Dei cultu, sanctificatio deserta erat, & altare prophanatum, & portae exusta, & in atriis virgulta nata, sicut in saltu, vel in montibus. Propterea Judas Macabaeus, in fugam conjectis hostibus, ordinavit, ut sanctuarium emundaretur, contaminatio tolleretur, & altare, quod ab hostibus prophanatum erat, destrueretur, ejusque loco novum aedificaretur. Deinde obtulerunt sacrificium, secundum legem, in canticis, & cytharis, & cingulis, & in cymbalis; & cecidit omnis populus in faciem, & adoraverunt & benedixerunt in caelum eum, qui prosperavit eis, i. Macc. 4. 38.

Nos Dilecti! principiō conditi eramus, ut Templum Dei vivi essemus, i. Corinth. 3. v. 16. Verum per tristem Proto-plastrorum lapsum in Dæmonis infernali potestatem devenimus, iste templum cordis nostri occupavit adeò devastatum, ut loco fructuum Spiritus, nil nisi spinæ & tribuli enascantur, quales sunt: homicidia, adulteria, fornicationes, furta, falsa testimonia, blasphemiae, aliaque nefanda, quæ coquinant hominem, Matth. 15. v. 19. Iccircò Christus venit, tanquam Dominus templi, Mal. 3. v. 1. & reformationem instituit, dum nobis voluntatem Patris cœlestis manifestavit, ut sciamus, quid facere, quidque omittere nos oporteat. Deum enim nemo vidit unquam: Unigenitus Filius

qui est in sinu Pattis, ipse et narravit, Joh. 1. v. 18.

Quando ad hujus voluntatem vitam nostram componimus, tunc debitum nostrum implemus, offerentes Deo sacrificium in justitiâ: quod placebit Domino, sicut in diebus antiquis, & sicut in annis prioribus, Mal. 3. v. 4. & hoc quidem propter Christum, in quo nos gratificavit Pater, Eph. 1. v. 6.

Præclaram hujus rei ideam in prælectâ Pericope habemus, ubi Dominus Legislatoris officio fungitur, & non modò discipulis & Apostolis suis: sed nobis quoque omnibus Regulas certas præscribit, quomodo nos ergâ proximum gerere debeamus, nisi Spiritus sancti templum destruere atque disperdere velimus: non enim habitat in anima malevolâ, nec in corpore peccatis subditâ, Sap. 1. v. 4. sed ubi templum suum habet, ibi & fructus ejus inveniuntur, descripti, Galat. 5. v. 22.

Nos videbimus pro instituti ratione

- I. *Tripliçem Querelam.*
- II. *Tripliçem Medelam.*
- III. *Tripliçem Cautelam.*

J. J.

Exegesis.

Ante octiduum audivimus de ove perditâ, quanta cura à Pastore restituta fuerit, nempè sic, ut nonaginta novem
uu in

in deserto dimiserit, vadens ad illam, quæ perierat, donec invenerit eam, & ad gem Reduxerit. Hoc de Christo Servatore intelligendum, qui tanquam verus, & fidelis pastor in mundum venit, querere & salvare, quod perierat, Matth. 18. v. 11.

Quemadmodum vero terrenus pastor oviculas suas non modò in lana pascua deducit: sed & adversus lupum easdem tueritur: Ita Christus fidelis ille ἀρχιτονὺς & Episcopus animarum nostrarum facit, I. Petr. 5. v. 4, quando non saltem agenda nobis præscribit, sed & ab iis, quæ animæ incommodant, dehortatur, idque modò. **Negative:** Nolite judicare, & non judicabimini. Nolite condemnare, & non condemnabimini: modò **Affirmative:** Dimittite, & dimitetur vobis, date & dabitur vobis &c.

Querela respicit

I. **Judicandi levitatem**, quæ in hoc mundo senio adeò invaluit, ut optima quæque in sequiorem partem mali interpretentur. Hoc non latuit optimum Servatorem, cui id sèpè accidit, idè inquit in prælectâ Pericope: Nolite judicare & non judicabimini, nolite condemnare, & non condemnabimini. Quibus verbis judicium temerarium notatur, quando quis alterum contrâ propriæ scientiæ & conscientiæ dictamen mendacis & calumniis operat, & condemnat, ut Pontificis valde familiare est, qui nostram Evangelico-Lutheranam doctrinam in verbo Dei sufficienter fundaram, hæreos arguunt, adeoque nos condemnant & Diabolo devovent. Sic & suspicio contrâ proximum, qua tamen urplutium vanissima est, in-

valuit. Exempla invenies, I. Sam. 22. v. 18. & Act. 28. v. 4.

Adhuc hodiè judicandi hæc levitas in omnibus Hierarchiis subinde exercetur. **Quis me constituit judicem?** ait Absolon. **Quis me consulem?** quis vicarium? ajunt naſutuli; Verum, quid ait Siracides? **Altiora te ne quæsieris, & fortiora te, ne scrutatus fueris,** Sir. 3. v. 24.

Evidem quod ipsa Dei lex pro peccatis agnoscit, id minimè probandum, sed potius judicandum & condemnandum est, à quolibet è ratione, quam officii ejus ratio requirit: Vx enim, qui dicunt malum bonum, & bonum malum, Esa. 5. v. 20.

Verum res certa sit oportet, obſervandum quippe illud Siracidis: Corripe amicum, ne forte non fecerit, aut si fecerit, ne iterum addat facere, c. 19. v. 13.

Secus res se habet, si exploratum satis est, quempiam in falsa doctrinâ vel vita profanâ, sine præviâ penitentia deceſſisse: cur enim ibi non judicares? cur non condemnares? Caritas quidem meliora quæque sperat, I. Cor. 13. v. 7. sed non sine fundamento: Ut enim lignum ceciderit, ibi erit, Eccles. 11. v. 3.

II. **Cœci duci & duci temeritatem**, de qua Servator: Num potest cœcius cœcum ducete, nonne ambo in foveam cadent?

Eiusmodi cœcorum duces hodierenus adhuc multi occurront:

I. In Choro, ut sunt hypocritæ & Pharisei, qui de vero Christianismo multa garriunt, sed ne digitulo quidem attingunt, de his Servator: Dicunt & non faciunt, Matth. 23. v. 3. Iccircò vere cœcorum duces sunt; cœci in notitiâ Dei, occœcati

cati in hypocritis & incredulitate, ut non
ineptè in illos quadret illud Pauli, Rom. 2.
v. 22.

2. In Foro. Ubi hic vel ille judex mali
pœnam irrogare tenetur, cui tamen ipse
profundius immersus est. Hinc infinita
mala & scandala in subditos transeunt.
Nam secundum judicem populi, sic &
ministri ejus: & qualis rector est civitatis,
tales & inhabitantes in eâ. Sit. 10. v. 2.
Magistratui Deus gladium accinxit, quem
non sine causa portat: sed Dei minister
est, viadex in iram ei, qui malè agit, Rom.
13. v. 4. idque fiat oportet, sine acceptione
personæ cuiusdam, Deut. 1. v. 17. ubi igitur
muneribus corrumpi se patitur & connivet,
ubi justitia excercenda foret, ibi locum
habet illud Prophetæ: Qui dirigunt po-
pulum istum, seductores sunt, & qui diri-
guntur, absorbentur, Esa. 9. v. 17.

3. In Toro. Tales sunt parentes illi, quo-
rum esset liberos suos ad bonum educare,
& ipsi didicerunt malum, ut nequeant be-
nefacere, Jer. 13. v. 23. quo ipso liberi scan-
dalizantur, ut à teneris in omnibus nequi-
tatis patrissent, donec abeant ad progeniem
patrum suorum, & in æternum usque non
videant lucem, Psal. 49. v. 20. Hi omnes
cœci cœcorum ducēs sunt, à quibus nos
Christus in Evangelio præmonet.

Quilibet in rebus fidei accuratè sibi
prospicit, quibus doctribus & ducibus
utatur, non credens omni Spiritui, sed pro-
bans Spiritus, si ex Deo sint: quoniam mul-
ti Pseudoprophetæ exierunt in mundum,
I. Joh. 4. v. 1. ab impiis egredietur impietas,
I. Sam. 24. v. 14. & fascinatio nugacitatis
obscurat bona Sap. 4. v. 12.

III. Hypocitarum iniquitatem, qui re-
stucam in oculo fratris facile vident, sed
trabem in oculo suo non considerant, ut
Servator in Evangelio loquitur. Quod
iterum Phariseis & Scribis dictum: qui
multa in Christo ejusque discipulis repre-
hendebant, cum ipsi vitii non exiguis ob-
noxii fuerint.

Adhuc hodiè multi reperiuntur hypo-
critæ, qui seipso justificant, alios vero de-
spiciunt. Non enim videmus mantice,
quod in tergo est. Considera ergo te ipsum,
ne & tu tenteris, Gal. 6. v. 1. Filii Jacobi
fratrem Josephum odio infensissimo pro-
sequebantur, quod somnia habebat, so-
mniorum eum inde appellantes, Gen. 37.
v. 19. & hoc sufficientem inimicitiae cau-
sam arbitrabantur, ipsi vero homicidae &
incestuosi erant, quod non videbant, Gen.
37. v. 5. Confer parabolam Matth. 18. v. 25.

Quodsi quotidianam praxin intuemur,
hic alterum contemnit ratione paupertati-
s, & ipse trabem avititiae in corde suo
non sentit, quæ in interitum & perditio-
nem mergit homines, I. Tim. 6. v. 9. Alius
spernit proximum ob inscitiam & simpli-
citatem, & ipse non cernit in corde suo
trabem impieatis, quod arte & scientia
suâ abutatur in perniciem proximi, unde
hanc abs te Siracides: Melior est ho-
mo, qui minuitur sapientia & deficiens
sensu in timore Dei, quam qui abundat
sensu, & transgreditur legem Altissimi,
Sir. 19. v. 21.

Hoc turpe vitium, quod merito decli-
nandum est nobis. Judæi proverbio ute-
bantur, quod perperam Christo applica-
bāt, dicentes: Medice, cura te ipsum, Luc. 4.
v. 23. Satius vero erit, ut nos ipso eo invicē

excitemus, quoniam omnes in corruptione sumus, Sir. 8. v. 6.

Qui igitur ad aliorum errata notanda proclivis est, is meminerit, quanta virtutum colluvies ad januam suam versetur, apprimē studens, quomodo eam removeat, & facilē nāvis aliorum condonatus est. Deinde pœnam recordetur, quae certissimē ejusmodi malevolos infrequet, ut & ipsi tandem judicium sine misericordia subituri, abominatio omni carni futuri sint, Esa. 66. v. ult.

- - - Absentem qui rōdit amicum,

Qui non defendit alio culpante, solutos

Qui captat risus hominum, famamque dicacis,

Fingere qui non visa potest, commissa tacete

Qui nequit, hic niger est, hunc tu Romane caveto.

Hic Ethnicus minimē probavit iniquos hosce judices, quanto minus Deus probabit? Quin potius occinet illis Davidis illud: Cur recitas statuta mea, & assumis testamentum meum per ostium? Psal. 50. v. 16.

Hæc memineritis Vos mei! prohibentes linguam vestram à malo, & labia vestra, ne loquantur dolenti, Psal. 34. v. 14. Psal. 15. v. 13.

De Secundo.

Sequitur Medela, qm̄ fluit
1. Ex affectu paterni consideratione: hinc Christus: Estote misericordes, sicut & Pater vester misericors est.

Principes atque Magnates pro insigni gloriâ sibi ducunt, si illustri loco nati, ma-

jores nobiles à quarta usque generatione arcessere possint. Sed nihil estimandum est, respectu nobilitatis, quā Christus fideles suos insignivit, quod cum ipso eundem Deum & Patrem habeamus, hinc ait: Adscendo ad Patrem meum, & Patrem vestrum, ad Deum meum, & Deum vestrum, Joh. 20. v. 18.

Confidite, vos mei! in omnibus calamitatibus. Si Deus Pater noster, benē nobis erit, nos enim liberi ejus sumus. Quis est ex vobis homo, quem si petierit filius suus panem, nunquid lapidem porrigeat? Matth. 7. v. 9.

Si Deus Pater, nosque filii ejus, Christus frater noster est, hinc compellare possumus eum: Fratrem ne desere frater! hoc si fecerimus, exaudiet nos, futurus nobiscum in tribulatione: eripiet nos & glorificabit nos, Psal. 191. v. 15. 16. Propterā enim non Angelos, sed semen Abraham apprehendit, ut misericors fieret, & fidelis Pontifex ad Deum, & ut repropriet delicta populi. In eo, enim, in quo passus est ipse & tentatus, potens est eis, qui tentantur, auxiliari, Hebr. 2. v. 16.

Si Deus Pater & nos filii ejus, hæredes quoque ejus sumus, ut Paulus colligit, Rom. 8. v. 17. Utique hæredes ejus, quos præclaras hæreditas manet, nemp̄ vita æterna, quam Deus datus est his, qui fidem suam nunquam mutant ab eo, Tob. 2. v. 12.

Margareta, Daniæ, Sveciæ, Norvægiaæ que Regina, adoptavit Ericum, Ducem Pomeraniæ: hæc magna gratia fuit. Sic enim hic Dux tria accepit Regna. Sed nos hæreditas multò amplior manet, ratione spiritualis adoptionis, quam Christus nobis